

Staðfesting forsetans á skipulagsskrá fyrir minningarsjóð frá Hlí­nar Þorsteinsdóttur, útgefin á venjulegan hátt að mandatum af dómsmálaráðherra 11. nóvember 1968.

Skipulagsskráin er þannig:

SKIPULAGSSKRÁ

fyrir minningarsjóðs frá Hlí­nar Þorsteinsdóttur, Reykjavík.

Fædd 5. desember 1899. Dáin 9. nóvember 1964. Gift 3. júlí 1920 Gísla Jónssyni alþingismanni.

1. gr.

Sjóðurinn er stofnaður með gjafarbréfi dagsettu 10. júní 1966 og afhent Sambandi ísl. berklasjúklinga að Reykjalundi sama dag. Í bréfi þessu er svo fyrirmælt, að allar tekjur af rithöfundalaunum sem greidd kunna að verða fyrir verkið, í hverri mynd, sem það kann að verða notað, skuli verða stofnfé þessa sjóðs. Með öðru bréfi er sami réttur til rithöfundalauna af síðari handritum Gísla Jónssonar látinn sjóðnum í té. Inngreitt fé til sjóðsins sem rithöfundalaun, er nú rúmar kr. 100 000.00 — eitt hundrað þúsund krónur —, og er það stofnfé sjóðsins.

2. gr.

Tekjur sjóðsins eru.

- a. Það fé, sem framvegis verður greitt í ritlaun fyrir útgáfu á ritverkum Gísla Jónssonar, svo og hverjar aðrar þær tekjur af verkum þessum, svo sem af upplestri, kvikmyndagerð o. fl. ef til kemur, allt samkvæmt 1. gr. þessarar skipulagsskrár.
- b. Vextir af innstæðufé eins og það er á hverjum tíma.
- c. Gjafir, sem sjóðnum kunna að berast.

3. gr.

Sjóðinn skal ávaxta hjá Sambandi ísl. berklasjúklinga á Reykjalundi, svo lengi, sem stofnunin er starfrækt sem öryrkjastofnun. Skal S.Í.B.S. greiða hæstu banka útlánsvexti af innstæðu sjóðsins eins og hún er á hverjum tíma. S.Í.B.S. ber fulla ábyrgð á fé sjóðsins, og getur sjóðstjórnin krafizt tryggingar fyrir upphæðinni, eins og hún kann að vera á hverjum tíma, þyki henni það nauðsynlegt. Þá getur hún einnig ávaxtað féð á annan hátt, ef það sýnist hagkvæmara fyrir sjóðinn og sjóðstjórnin er einróma sammála um það.

4. gr.

Tilgangur sjóðsins er að auka hljómlistarlíf á meðal vistmanna á Reykjalundi og öðrum öryrkjaheimilum, eftir því sem fé er fyrir hendi á hverjum tíma, svo og að styrkja þá öryrkja til framhaldsnáms í hljómlist, sem vænta má, að geti gert hljómlistarkennslu síðar að lífsstarfi, eða og aflað sér tekna með hljómlistastarfi. Skal þetta gert á eftirfarandi hátt.

- a. með hljómlistakennslu í stofnuninni á meðal vistmannanna;
- b. með hljómlistakynningu á meðal vistmannanna;
- c. með kaupum á hljómlistaáhöldum, svo sem slaghröpu, orgeli, lúðrum, og öðrum hljóðfærum, eftir því sem þörf er á á hverjum tíma, einnig með kaupum á nótum og kennslubókum, allt samkvæmt ákvörðun sjóðsstjórnarinnar;

d. með styrkjum til framhaldsnáms í hljómlist til þeirra vistmanna, þáverandi eða fyrrverandi, sem vænta má, að álitu stjórnarinnar, að geti að námi loknu aflað sér lífvænlegra tekna við hljómlistarstörf, eða af frumsömdum verkum sínum á hljómlistasviðinu. Einnig til að styrkja útgáfu hljómlistaverka þessara vistmanna.

Sjóðstjórnin getur sett það skilyrði fyrir styrknum, að hann verði allur endurgreiddur eða hluti hans, ef tekjur af verkum styrþega að loknu námi leyfa, þegar frá þeim hefur verið dreginn riflegur lífeyrir til framfærslu fjölskyldunnar. Þáverandi eða fyrrverandi vistmenn á Reykjalundi skulu jafnan ganga fyrir um slíka styrkji, að öðru jöfnu.

5. gr.

Þegar sjóðurinn er orðinn kr. 200 000.00 — tvö hundruð þúsund krónur — má verja úr honum helming árlegra tekna til gjalda samkvæmt 4. gr. Hinn helming tekna skal jafnan leggja við höfuðstálinn. Þá getur sjóðstjórnin breytt þessum hlutföllum, ef hún er einróma sammála um breytinguna.

6. gr.

Reikningsár sjóðsins miðast við almanaksárið. Skulu þeir endurskoðaðir árlega af endurskoðendum S.Í.B.S. og birtir árlega með reikningum sambandsins.

7. gr.

Stjórn sjóðsins skal skipa þannig.

1. Forseti S.Í.B.S. og er hann jafnan formaður sjóðsstjórnarinnar. Taki hann af einhverjum ástæðum eigi sæti í stjórninni, skal stjórn S.Í.B.S. skipa mann í hans stað.
2. Skólastjóri Tónlistarskólans í Reykjavík, eins og hann er ráðinn á hverjum tíma. Taki hann af einhverjum ástæðum ekki sæti í stjórninni, tilnefnir hann mann í sinn stað í stjórnina.
3. Gísli Jónsson, eftirlifandi maki Hlínar Þorsteinsdóttur, á meðan hann er á lífi. Að honum látnum ákveða niðjar þeirra hjóna, hver taka skal það sæti. Hafi þeir eigi skipað í stjórnina innan sex vikna frá því að þeim hefur verið tilkynnt örugglega um kjörið, skipar stjórn S.Í.B.S. mann í það sæti. Komi síðar ósk um það frá niðja hjónanna, að taka sæti í sjóðsstjórninni, skal það veitt eigi síðar en einu ári liðnu frá því að sú ósk er framborin.

8. gr.

Hætti S.Í.B.S. að starfa sem öryrkjastofnun, og öðrum stofnunum falin þau störf, koma þær stofnanir sem aðili að sjóðnum að taka þá við öllum þeim skyldum, sem S.Í.B.S. hafði áður gagnvart honum. Sjóðurinn skal þó jafnan vera til sem sérstakur sjóður og má aldrei innlima hann í aðra sjóði eða breyta nafni hans.

9. gr.

Leita skal staðfestingar forseta Íslands á skipulagsskrá þessari.

Reykjavík, 8. maí 1968.

F. h. stjórnar sjóðsins

Gísli Jónsson.